



**INFORME SOBRE O ESCENARIO DE DÉBEDA VIVA ASÍ COMO AQUELA QUE ESTEA PREVISTO CONCERTAR PARA O ORZAMENTO DO ANO 2021**

*Normativa de aplicación*

Texto refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo.

Real Decreto Lei 8/2010, de 20 de maio, polo que se aproban medidas extraordinarias para a redución do déficit público.

Lei Orgánica 2/2012, de 27 de abril, de Estabilidade Orzamentaria e Sostibilidade Financeira.

Lei Orgánica 9/2013, de 20 de decembro, de control da débeda comercial no sector público.

Real Decreto-lei 17/2014, de 26 de decembro, de medidas de sustentabilidade financeira das comunidades autónomas e entidades locais e outras de carácter económico.

Real Decreto 1463/2007, de 2 de novembro, polo que se aproba o regulamento de desenvolvemento da Lei 18/2001.

A Disposición Adicional décimo cuarta do Real Decreto Lei 20/2011 de 30 de marzo, de Medidas Urxentes en Materia Orzamentaria, Tributaria e Financeira para a Corrección do Déficit Público, foi dotada de vixencia indefinida pola disposición final trixésima primeira da Lei 17/2012, de 27 de decembro, de Orzamentos Xerais do Estado para o ano 2013, quedando establecidos uns novos límites porcentuais para o cálculo do índice de endebedamento:

- 1) Se o volume total de capital vivo non excede do 75 % dos ingresos correntes liquidados ou devengados segundo as cifras deducidas dos estados contables consolidados, só terán que cumprir os requisitos previstos no TRLFL e normativa de estabilidade orzamentaria.
- 2) Se o volume total de capital vivo se atopa entre o 75% e 110 % dos ingresos correntes liquidados ou devengados segundo as cifras deducidas dos estados contables consolidados, ademais do anterior, deberá contar cunha autorización previa do órgano competente en materia de tutela financeira. En resumo, o límite está no 110 % dos recursos liquidados por operacións correntes, condicionado a que se endebedamento é maior co 75% e menor co 110%, require autorización previa do órgano que ten a tutela financeira, mentres que si o endebedamento é inferior co 75% dos ingresos correntes liquidados ou devengados segundo as cifras deducidas dos estados contables consolidados, tan só é necesario facer a comunicación da operación, sempre e cando se cumpran os demais requisitos: Remanente de Tesourería para gastos xerais positivos, Aforro Neto Positivo e cumprimento do obxectivo de estabilidade orzamentaria.

Posible	Situación	Aforro neto	Débeda viva
1	Poden concertar op. Crédito a longo prazo sen previa autorización	+	< 75%
2	Poden concertar op. Crédito a longo prazo, previa autorización	+	≥ 75% ≤ 110%
3	Non poden concertar op. Crédito a longo prazo	+	> 110%
4	Non poden concertar op. Crédito a longo prazo	-	< 75%
5	Non poden concertar op. Crédito a longo prazo	-	≥ 75% ≤ 110%
6	Non poden concertar op. Crédito a longo prazo	-	> 110%





#### Obxectivos previstos para o ano 2020-2021

A Comisión Europea acordou a suspensión temporal do Pacto de Estabilidade e Crecemento, que obriga a manter baixo control o déficit e a débeda. A Comisión Europea e o Consello aprobaron o pasado marzo activar a cláusula xeral de salvagarda. E máis recentemente, no mes de setembro, comunicouse que a cláusula de salvagarda manterase activa en 2021.

Dita activación implica que non se suspenden os procedementos do Pacto de Estabilidade e Crecemento, pero permite aos Estados membros pospor e deixar en suspenso a senda de consolidación fixada con anterioridade á crise.

Por tanto, a suspensión das regras fiscais prodúcese en cumprimento das medidas adoptadas pola UE para reforzar a resposta á crise e desenvolver un marco de reconstrución, transformación e resiliencia para seguir avanzando.

O Goberno na sesión do Consellos de Ministros de data 6 de outubro aprobou a suspensión da senda de estabilidade vixente e deu visto e prace ao teito de gasto non financeiro do Estado de 2021. Tamén deu a posibilidade de utilización do Remanente Líquido de Tesourería para gastos xerais, non computando os empregos nos anos 202/2021.

En relación coa suspensión dos obxectivo de estabilidade financeira, as EE.LL tiñan que limitar o endebedamento ao 3% do PIB no ano 2020, pecharon ao ano 2019 cun endebedamento do 1,9% do PIB. En particular, o Concello de Vigo non ten endebedamento financeiro, polo que este obxectivo non é avaliable dende o ano 2016.

Ao obxecto de dar cumprimento ao previsto no artigo 166.1.d) do texto refundido da Lei Reguladora das Facendas Locais, aprobado polo Real Decreto Lexislativo 2/2004, de 5 de marzo, Informase:

O Concello de Vigo non ten a esta data débeda financeira, habéndose amortizado a contía pendente a 31 de xuño de 2016. Non está prevista no estado de ingresos do Proxecto de Orzamento para o ano 2021 en formación a concertación de novo endebedamento, polo que o escenario desta Entidade Local, e de ausencia de débeda financeira.

As contías que puidesen estar rexistradas no Ministerio de Facenda e na Central de Información de Riscos do Banco de España (CIRBE), o serían como consecuencia dos Factoring sin recurso que computan como endebedamento financeiro aos efectos do Protocolo de Déficit Excesivo (PDE) .

Aos efectos de evitar este risco, en ningún contrato se está aceptando a comunicación destas cesións de crédito (FACTORING SIN RECURSO), e so se tomarán en conta os factoring CON RECURSO, que non supoñen cómputo como endebedamento.

En Vigo, á data da sinatura electrónica

O Tesoureiro e responsable superior contable e orzamentario: Luis García Álvarez

O Concelleiro Delegado de Orzamentos e Facenda: Jaime Aneiros Pereira

(Delegación de 18 e 26/06/2019)

